

## CHANTADA

### Anuncio

#### **BASES REGULADORAS PARA O I CONCURSO DE FACHADAS E Balcóns DO CONCELLO DE CHANTADA PARA O ANO 2024**

##### **1.-CONVOCATORIA**

O Ilustre Concello de Chantada, a través da Concellería de Parques e Xardíns, convoca o primeiro Concurso de embelecemento de Fachadas e Balcóns.

##### **2.-OBXECTO DOCONCURSO**

Mediante este concurso preténdese poñer en valor os beneficios estético-ambientais das fachadas e balcóns como elementos vivos da nosa vila.

En cada balcón ornamentado existe unha contribución cidadáa mellora estética dunha rúa ou edificio; á mellora da calidade ambiental; e sobre todo, á mellora da relación veciño-entorno urbano mediante unha persoa aportación artística que podemos gozar todos, tanto veciños como turistas.

Como é ben sabido polos nosos veciños e visitantes o Concello de Chantada leva participando no certame de Vilas en Flor dende hai seis anos, acadando catro flores de honra. Formamos parte dos concellos que acadan as maiores puntuacións, por iso, con este concurso preténdese dar un novo pulo para mellorar a imaxe da nosa vila cun enfoque no que participen de primeira man os nosos cidadáns.

##### **3.-PARTICIPANTES**

Poderá participar no concurso toda vivenda susceptible de ser decorada e que se atope dentro do **TERMO MUNICIPAL de Chantada**.

##### **4.-INSCRICIÓNS**

As inscricións son gratuítas, sendo cada localización obxecto dunha inscrición única.

Deberán realizarse mediante rexistro ou calquera dos medios previsto na Lei de Procedemento Administrativo común.

O prazo de inscrición comezará a partir do día seguinte da publicación no boletín oficial da provincia de Lugo e rematará o día 17 de xuño de 2024. No momento da inscrición facilitarase un distintivo.

Os balcóns ou ventás deberán exhibirse, polo menos desde o día 17 de xuño ata o día 31 de agosto de 2024, incluído. Todos os participantes deberán mostrar nun lugar visible desde a vía pública o distintivo que lles será facilitado e que servirá ao xurado para identificalo. Sen ese requisito, non se realizará a valoración, entendéndose como renuncia á participación.

##### **5.-XURADO**

O xurado será designado polo Concello. A súa composición será predominantemente técnica, estando integrado principalmente por persoas especialistas en xardinería ou embelecemento urbano.

O xurado reserva o dereito de interpretación das Bases do presente concurso e de resolución dos casos non contemplados, de acordo co seu mellor criterio. Tamén reserva o dereito a declarar deserto algún dos premios se non se reuniesen ao seu criterio os méritos suficientes.

O fallo do xurado será inapelable,

##### **6.-DESENVOLVEMENTO DOCONCURSO**

Os elementos utilizados para a ornamentación déixanse a libre elección dos veciños, pero sempre respectando os viais, beirarrúas e entradas a vivendas doutros veciños. O porcentaxe de plantas con flor será como mínimo do 20% e un máximo do 80% dos elementos presentes na decoración.

Todo elemento colgado ou colocado sobre calquera estrutura que puidera precipitarse por efecto do vento, deberá estar debidamente suxeito á estrutura do balcón, sen que a súa ubicación poña en risco a seguridade, facéndose responsable a persoa inscrita no concurso de calquera accidente orixinado pola caída dalgún elemento ou parte deste á vía pública.

Para a primeira semana de xullo de 2024, todas as localizacións participantes deberán estar preparadas para que poidan ser fotografadas.

Posteriormente o xurado visitará todas as localizacións participantes durante a última semana de xullo, realizándose a valoración final desde a vía pública, sen acceder nunca á vivenda.

Da sesión de valoración emitirase un acta co resultado, que será obxecto de publicación no taboleiro de anuncios do Concello.

## 7.-CRITERIOS DE VALORACIÓN

O xurado cualificador valorará os seguintes criterios:

- Orixinalidade e creatividade da composición: Valoración de 0-5
- Laboriosidade: Valoración de 0-5
- Uso de materiais reutilizados e ornamentación non floral: Valoración de 0-5
- Naturalidade (Variedade das plantas utilizadas): Valoración de 0-5
- Colorido: Valoración de 0-10
- Perdurabilidade: Valoración de 0-10
- Calidade ornamental (harmonía e deseño): Valoración de 0-10

## 8.-PREMIOS

Haberá 5 premios das seguintes contías:

PREMIO	CONTIA
1º	350 €
2º	250 €
3º	200 €
4º	150 €
5º	100 €

O importe dos premios recibirá o titular que efectuara a inscrición no concurso. Para concretar a forma de cobro, o receptor deberá entregar no rexistro xeral do concello o Anexo II a fotocopia do DNI, e certificación bancaria a fin de recibir o premio que se aprobará por resolución da Alcaldía.

## 9.-COMPROMISO

A participación neste concurso implica a total aceptación expresa e sen reservas das presentes bases.

## 10.-DEREITOS E PROTECCIÓN DE DATOS

Autorízase á organización a realizar todas as fotografías que consideren oportunas reservándose todos os dereitos, podendo ser utilizadas para a súa publicación en calquera medio, quedando cedidos de forma gratuíta os dereitos de imaxe dos mesmos.

Os datos persoais aportados polos participantes no Concurso, e todos aqueles que poidan derivarse da súa intervención no mesmo, serán tratados para xestionar a súa participación, seleccionar aos gañadores e contactar con eles para a entrega do premio, así como a comunicación, a través das diferentes redes sociais con contas de titularidade municipal, dos datos persoais relativos ao nome e apelidos dos participantes e/ou gañadores e, no seu caso, das fotografías dos elementos cos que participaron no concurso.

A base que lexítima o tratamento dos datos é o consentimento outorgado a través da inscrición para a participación no CONCURSO, tendo dereito ao acceso, rectificación e supresión dos datos, así como calquera outro dereito que lle correspondan.

No caso de que se faciliten datos persoais de terceiras persoas (familiares, parella, amigos, etc.), mediante a aceptación destas bases, garantízase que se informou previamente a esas persoas dos aspectos contidos nestas bases obtendo a súa autorización para facilitar os seus datos para os fins sinalados e que se atopa autorizado para facelo, nas mesmas condicións para as mesmas finalidades previstas no presente documento.

Chantada, 20 de maio de 2024.- O Alcalde, Manuel Lorenzo Varela Rodríguez.

**ANEXO I : SOLICITUDE DE PARTICIPACION**

**(A cumprimentar polos participantes)**

D/Dª.....  
 con DNI.....,e domicilio en.....  
 .....actuando en nome propio,  
 Teléfono de contacto.....e correo electrónico. ....

Coñecidas as Bases do I Concurso de Balcóns e Fachadas 2024, presento SOLICITUDE para participar no Concurso:

Presto o meu consentimento para que os datos aportados (datos persoais, fotográficos e audiovisuais) poidan ser utilizados para a tramitación do expediente do Concurso de Balcóns e Fachadas e ubicalos nas redes de comunicación do Concello de Chantada.

Responsable	Concello de Chantada
Finalidade Principal	Xestión e tramitación expediente do I Concurso deBalcóns e Fachadas 2024
Lexitimación	Consentimento
Destinatarios	Infórmase que as fotos colgaransenas redes sociais doConcello de Chantadapolo que a mencionada plataforma terá acceso aos datos que están na mesma.
Dereitos	Ten dereito a acceder, rectificar e suprimir os datos, así como calqueraoutrosdereitos que lles correspondan, tale como se explica na información adicional.

**DATA E SINATURA**

Declaro baixo a miñaresponsabilidade que os datos facilitados son certos.

Chantada, a \_\_\_de \_\_\_de2024.

O/A solicitante

Asdo.: \_\_\_\_\_

[ILMO.SR.ALCALDE-PRESIDENTE DO CONCELLO DE CHANTADA

